



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 19. Sententia decretoria in Causa Ecclesiarum Dolensis & Turonensis.

---

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

## §. XIX.

Sæcul. XII.  
A.C. 1199.*Sententia Decretoria in causa Ecclesiarum Dolensis & Turonensis.*

Hoc tandem tempore finita est lis de *Sup. Lib. XLVIII.*  
 Jure Metropolitico Britanniae, quæ *§. 44.*  
 tot annorum lapsu sub Judice fuerat. *§. 44.*  
 Suo loco memoravimus, Nomenojum *Lib. L. §. 46.*  
 Ducem Britanniae, cum Regem se ungi  
 vellet, anno octingentesimo quadragesi-  
 mo octavo, Sedem Dolensem erexisse,  
 & Episcopum Metropolitam declarasse.  
 Inde post annos octodecim Episcopos in  
 Concilio Sueffionensi tertio sedentes ad  
 Nicolaum I. Papam querelas detulisse,  
 quod Britones Ecclesiam Turonensem,  
 Metropolim suam, non amplius venera-  
 rentur. Scimus, Clericos Turonenses *Lib. LIX.*  
 has querelas anno millesimo quadragesi- *§. 62.*  
 mo nono in Concilio Remensi, præsiden-  
 te Leone IX. Pontifice, renovasse, iter-  
 umque Gregorio VII. in Concilio Ro- *Lib. LXIII.*  
 mano anno millesimo octogesimo fuisse *§. 1.*  
 expositas. Urbanum II. Archiepiscopo *Lib. LXIV.*  
 Turonensi faventem sententiam anno *§. 16.*  
 millesimo nonagesimo quarto pronun- *Lib. LXIX.*  
 ciaffe, eamque Lucium Papam II. anno *§. 5.*  
 millesimo centesimo quadragesimo quar- *L. LXXIII*  
 to confirmasse, sed Godefrido Episcopo *§. 22.*  
 Dolensi licentiam Pallio utendi conces-  
 sisse,

*Hist. Eccles. Tom. XVIII.*

Na

sisse,



Sæcul. XII. fisse, ac inde occasionem litem restaurandi, eamque usque ad Innocentii III. Pontificatum protrahendi natam fuisse.

*Lobineau  
hist. Bret.  
lib. 6. n. 43.*

*1. ep. 168.*

*Rog. p. 797.*

*Sent. ap.  
Martenne.  
p. 164.*

*Innoc.  
2. ep. 82.*

Joannes Vaunesius, Electus Episcopus Dolensis, Romam cum tribus Ecclesie suæ Canonicis profectus, a Papa tanquam Archiepiscopus consecrari petebat, & Papa jam anno superiore Bartholomæum Archiepiscopum Turonensem vocaverat, ut jura sua defenderet. Quia vero male affectum corpus tam longum iter moliri non permittebat, Ecclesie suæ Cancellarium tresque alios Canonicos Romam miserat. Papa primum rem transactione Partium componere satagebat. Jamque Legati Turonenses amore pacis consentiebant; Episcopus Dolensis Archiepiscopali Dignitate gauderet, haberetque duos Suffraganeos, ea solum conditione, si Archiepiscopo Turonensi ut Primati suo subjiceretur. Verum Episcopo Dolensi hæc pacta rejiciente, quod ipsi duæ Ecclesie Suffraganeæ non contiguæ sed separatae offerrentur, Papa solemnè Judicio decernere statuit, ac utrique Parti in publico Consistorio causam prolixè dicenti aures præbuit. Tunc vero Joannes, Episcopus Dolensis electus, intelligens, nihil propius esse, quam ut causa caderet, Electioni renunciare in manibus Papæ, & juri suo voluit, sed Innocentius utrumque



que denegavit, ne novorum jurgiorum Sæcul. XII.  
 radicem relinqueret. A.C. 1199.  
 Causa itaque cum Cardinalibus mature pensata, senten-  
 tiam publice protulit, qua Antecessorum  
 suorum Decreta confirmans constituit,  
 Ecclesiam Dolensem semper Turonensi  
 debere esse subjectam, nec unquam E-  
 piscopo Dolensi usum Pallii licere expe-  
 tere, aut quocunque demum prætextu  
 inventi novi argumenti vel documenti  
 antiquam crambem recoquere. Huic  
 sententiæ, prima die Junii anno millesi-  
 mo centesimo nonagesimo nono datæ,  
 Pontifex ac viginti & unus Cardinales  
 subscripserunt. Hic terminus fuit ce-  
 lebratissimæ contentionis per annos tre-  
 centos & quinquaginta agitatae. Inno-  
 centius Papa hac de re Regi Franciæ,  
 Comitissæ Britanniæ, Arto juniori ejus 5. ep. 84. 85.  
 filio, omnibusque illius provinciæ Prin- Etc.  
 cipibus scripsit, jubens, ut cunctos ad  
 servandam hanc sententiam compelle-  
 rent. Scripsit Clericis populoque Do-  
 lensi; Ecclesiæ Turonensi tanquam Me-  
 tropolitanæ suæ se subjicerent, & Capi-  
 tulo Cathedrali electum Episcopum  
 suum intra duos menses Archiepiscopo  
 Turonensi sisterent, ab eo consecrandum,  
 tandem Archiepiscopo etiam Rotoma-  
 gensi, ejusque Suffraganeis, ne quid-  
 quam latæ sententiæ adversum agerent.  
 Nempe ab eis utpote vicinis Dolenses  
 Nn 2                      sacrum



Sæcul. XII. A.C. 1199.                    
 sacrum Chrisma petebant, eosque Or-  
 dinationis causa adibant.

Sententiam cunctis bona fide exe-  
 quentibus, exinde Ecclesia Dolensis cum  
 omnibus aliis Britanniae Ecclesiis Cathe-  
 dralibus Turonensi subdita fuit.

## §. XX.

*Translatio Episcoporum.*

**M**odico abhinc tempore Innocentius  
 Papa eidem Archiepiscopo Turo-  
 nensi succensuerat. Cujus rei hæc erat  
*Gest. Innoc.* occasio. Guilielmus *de Chemillé* coopta-  
 tus fuerat Episcopus Abrincensis, & ele-  
 ctio ab Archiepiscopo Rotomagensi Me-  
 tropolita suo confirmata. Quin etiam  
 hanc Ecclesiam aliquamdiu administra-  
 verat, etsi necdum esset ordinatus. Tum  
 vero Archiepiscopus Turonensis Gui-  
 lielmum ad Ecclesiam Andegavensem  
 translatum ordinavit, præterita Summi  
 Pontificis auctoritate.

Id factum Innocentio minime proba-  
 batur; quare ad Henricum *de Sulli*, Ar-  
 chiepiscopum Bituricensem, Episcopi  
 Parisiensis fratrem, Epistolam dedit, cu-  
 jus summa hæc fuit: *Patres nostri, J.E-  
 su Christi Institutum sequentes, Causas  
 majores sacrae Sedi reservarunt, quales  
 sunt, si Episcopus abdicet Episcopatum,  
 aut a Sede sua ad aliam transferatur.*  
 Patres